



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque  
Moralitate; de Virtutibus ac Donis, de Vitiis ac Peccatis, & de Legibus,  
nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. I. Conclusio affirmativa statuitur

---

[urn:nbn:de:hbz:466:1-77355](#)

mus: Ergo ratio peccati, mortali & veniali in-  
equaliter convenit.

Addo quod malitia aversiva à fine, & malitia  
quæ solùm ponit inordinationem in mediis, val-  
de inaequales sunt; sicut ipse finis, & ea que  
sunt ad finem, valde sunt inæqualia: Sed ma-  
litia peccati mortalis deordinat & avertit ab ul-  
timo fine; malitia autem venialis solùm ponit  
inordinationem in mediis, ut ex supra dicitur pa-  
ter: Ergo &c.

41. Dices: In omnibus que analogicè dicuntur  
ratio nominis nulli competit nisi per attributionem  
ad unum, quod per prius & simpliciter di-  
citur tale: Sed peccatum veniale non dicitur  
peccatum per attributionem ad mortale; quia  
si non esset aliquod peccatum mortale, nihil  
minus posset dari veniale: Ergo ratio peccati  
non convenit illis analogicè.

42. Respondeo ex Caetano h̄c art. 2, concessâ  
Majori, negando Minorem: Nam sicut omnis  
morbus dicitur infirmitas in ordine ad privatio-  
nem vite, que est infirmitas mortalis, & sim-  
pliciter; ita omne peccatum dicitur peccatum  
in ordine ad peccatum quod privat fine, qui est  
principium vite moralis. Unde ad probationem  
in contrarium dicendum cum eodem Cardinali,  
quod licet peccatum veniale possit esse in hoc  
vel illo fine mortali, simpliciter tamen non po-  
test esse absque mortali; sicut neque infirmitas  
curabilis absque incuribili, qualis est mortalitatis.  
Addit peccatum mortale esse contra legem Dei  
simpliciter; peccatum autem veniale solùm esse  
contra illam secundum quid, ut antea declara-  
vimus: esse autem contra legem Dei secundum  
quid, non potest intelligi, non præintellesto esse  
contra legem Dei absolute & simpliciter, sicut  
neque album secundum quid, sine albo simpli-  
citer.

43. Inferes tertio, peccatum veniale disponere  
quidem ad mortale, nunquam tamen ita posse  
aggravari, ut transeat in mortale; neque ex  
multis venialibus posse fieri unquam unum mortale. Ita D. Thomas h̄c art. 3. 4. & 5.

Probatur breviter hoc corollarium, quantum  
ad singulas partes. Et in primis quod peccatum  
veniale disponat ad mortale, patet: quia homo  
negligendo venialia, paulatim & sensim assuef-  
cit contemptui & transgressioni legis, quod fit  
ut tandem in majora peccata incidat, juxta il-  
lud, *Qui spernit medica, paulatim decider.* Un-  
de eleganter Cassianus collat. 6. cap. 17. mentis  
incuriam comparavit testo domini neglectio.  
*Nam per hanc (inquit) primò quidem veluti mi-  
niutissima quedam penetrant animam stillicidia  
passionum, que si velut parva & levia neglig-  
antur, corrumpunt tigna virtutum, quibus de-  
struuntur, in animam tandem desunt imbris lar-  
gissimi vitiorum. Quòd sapienti Eccli. 10. procul  
dubio respexit, dum dixit: *In pigritiis humilia-  
bitur contingenatio, & in infirmitate manus per-  
stabilit̄ domus.**

Hinc Chrysostomus Cassiani  
magister homil. 87. in Matth. hoc mirabile pa-  
tadoxum docet, nimur majori sollicitudine  
aliquo modo cavendum esse à venialibus, quam  
à mortalibus. Solet mibi (inquit) nonnunquam  
non tanto studio magna videri peccata esse  
vitanda, quam parva & viliora: illa enim ut  
averseretur, ipsa peccati natura efficit; haec au-  
tem ipsa re, quia parva sunt, desides redi-  
dunt, & dum contemnuntur, non potest ad ex-  
pulsionem eorum animus generosè insurgere: un-

A de cito ex parvis magna sunt, negligentia nostra.

Quod verò peccatum veniale nunquam pos-  
sit ita augeri & aggravari, ut transeat in mor-  
tale, non minùs evidens est. Nam ea que sunt  
ordinis inferioris, quantumcumque intra pro-  
priam speciem augentur, nunquam possunt  
pertingere ad ea que sunt ordinis superioris:  
Sed malitia peccati mortalis deordinat & avertit ab ul-  
timo fine; malitia autem venialis solùm ponit  
inordinationem in mediis, ut ex supra dicitur pa-  
ter: Ergo &c.

44.

Ex quo probata manet tertia pars corollarii:  
nam peccata venialia, quantumcumque multi-  
plicantur, non possunt avertere ab ultimo fine,  
nec reatum pœna inducere: Ergo non possunt  
facere unum mortale per integratem; sicut  
nec ex multis punctis simul junctis potest linea  
conspicere. Unde quando Augustinus tract. 12.  
in Joan. ait: *Minuta plura peccata, si negli-  
gantur, occidunt, solùm intendit, quod illa oc-  
cidunt dispositivè, disponendo scilicet ad mor-  
tale; non verò formaliter, privando animam  
gratia & charitate, ut explicat S. Thomas h̄c  
art. 4. ad t.*

Dices primò: Dispositio potest fieri habitus: 45.  
Ergo si peccatum veniale disponat ad mortale,  
poterit fieri mortale.

Respondeo cum D. Thoma ibidem in solut.  
ad 4. *Quod dispositio qua sit habitus, est sicut  
imperfectum in eadem specie, & non imperfecta  
scientia, dum perficiuntur, sit habitus: sed ve-  
niale peccatum est dispositio alterius generis; si-  
cut accidens ad formam substantialē, in quam  
nunquam mutatur.*

Dices secundò: Plura farta levia multiplica-  
ta, constituant tandem unum peccatum mortale:  
Ergo ex multis venialibus unum mortale potest  
effici.

Respondeo negando Antecedens: Nam quan-  
do aliquis committit plura farta levia, ex illis  
simil junctis & collectis unum peccatum mor-  
tale non resultat, sed ultimum furtum, quo  
pervenitur ad magnam materię quantitatem,  
est peccatum mortale: quia licet tale furtum sit  
rei secundum se levis, ex connotatione tamen  
furtorum præcedentium, cum quibus moraliter  
conjungitur, redditur furtum rei gravis, & gra-  
ve datum insert proximo; ut explicant Ca-  
sustæ circa septimum Decalogi p̄ceptum, &  
in materia de restitutione.

46.

#### ARTICVLVS II.

*An ille qui mortaliter peccat, ultimum finem  
in creatura constitutus?*

N E G A T Adrianus quodlib. 7. art. 3. affir-  
mant ceteri omnes Theologi tam dome-  
stici quam extranei. Unde sit

S. I.

*Conclusio affirmativa statuitur.*

Dico breviter, peccatorem per peccatum  
mortale ultimum finem in creatura consti-  
tuere, si non expresse & formaliter, virtualiter  
saltē & interpretative.

Probatur primò ex Scriptura: nam ad Philip.

47.

Ooo iij

## DISPUTATIO NONA

478

3. de gulosis dicitur: *Quorum Deus venter est: A quia, ut ibidem lect. 3. ait S. Thomas, Proprum Dei est, ut sit primum principium & finis ultimus; unde qui pro fine haberet aliquid, illud est Deus suus.* Quare olim quidam epulo ab amico interrogatus, cui tot oves & vitulos, quos in ejus armento videbat, immolare: respondit: *Huic ventri Deorum maximo.* Item ad Ephes. 5. avaritia, *Idolorum servius appellatur:* quia ut idem S. Doctor lect. 3. observat: *Idololatria est quando honor sibi Deo debitus impeditur creatura.* Deo autem duplex honor debetur, scilicet ut in eo finem nostrum constituiam, & ut in eo fiduciam nostram finaliter ponamus: ergo qui hoc in creaturis ponit, reus est idololatria. Hoc autem facit avarus, qui finem suum in re creatuaria ponit, & etiam totam suam fiduciam. Unde Chrysostomus homil. 18. in epist. ad Ephes. *Qui inanimato (inquit) servivunt auro, clarum est eorum modi idolorum esse cultores.* Hinc Hebrei vitulum aureum adoraverunt, & Judas triginta argenteos, quo à principibus sacerdotum in pretium sanguinis Christi accepérat, projectis in templum, non in sterquilinium: quia (ut ait Ambrofius) *talibus diis suum templum devoverat.* Denique Hieronymus exponens hunc versum Psalmi 80. *Non erit in te Deus recens &c.* hæc scribit: *Quot vitia habemus, tot recentes habemus Deos.* Cui consonat illud Poëta Christiani.

*Larconi venter Deus est, & nummus avaro:  
Et cui sunt Veneris gaudia prima, Venus.*

*Huius honor, & vero Deus est pro nomine fama,*

*Quem fama extimulat non satianda famæ.*

*Cui nimio Christus studii vilescit amore,*

*An non is studium numinis instar habet?*

Hinc Tertullianus in libro de Idol. cap. 3. infert quod extra templum & sine idolo agi potest idololatria: nec refer quale sit idolum, ex qua materia, qua effigie &c. Et cap. 6. his verbis increpat peccatorem: *Potes lingua negasse quod manu confiteris? verbo destruere quod factò fruis?* **D** Vnum Deum predicare, qui tantos officios? Verum Deum profiteri, qui falsos facis?... Collis non spiritu vilissimi nidoris alicujus, sed tuo proprio; nec anima pecudis impensa, sed anima tua. Illis ingenium immolas, illis sudorem tuum libas, illis prudentiam tuam accendis. Plus es illis quam sacerdos, cum perte habeant sacerdotem.

49. Probatur secundò conclusio ex Augustino, qui lib. 83. questionum qu. 30. totam perversitatem humanæ vite collocat in hoc quod homo fruatur utendis, & utatur fruendis: At ex eodem S. Doctore lib. 10. de civit. cap. 10. & lib. 1. de doctrina Christiana. cap. 4. & 5. frui non est aliud quam aliqui tanquam ultimo fini adhærente: Ergo qui peccat, & aliquam creaturam inordinate & contra Dei præceptum diligit, tali creature, ut fini ultimo adhæret.

50. Probatur tertio conclusio ratione, quam insinuat S. Thomas qu. 20. de verit. art. 2. Omnis qui mortaliter peccat, diligit plus appreciativè creaturam quam Deum; liquidem ejus voluntatem & præceptum propter illam contemnit: Unde Joan. 12. dicitur: *Dilexerunt gloriam hominum plusquam Dei.* Et Matth. 10. *Qui amat patrem & matrem suam plusquam me, non est me dignus.* Item Chrysologus de avaritia loquens, ait: *Statera ejus iniquissima est, plus enim in ea ponderat obolus, quam Deus; plus nummus, quam*

*anima:* Sed finis est id quod maximè diligitur: Ergo qui mortaliter peccat, à Deo avertitur, & ad creaturam tanquam ad ultimum finem convertitur. Unde Jeremiæ 2. Deus de peccatoribus conqueritur, dicens: *Duo mala fecit populus meus, dereliquerunt me fontem aquæ vive, & foderunt sibi cisternas dissipatas &c.* Quibus verbis aversio à Deo, & conversio ad creaturam, quæ in peccato mortali includuntur, fontis & aquæ similitudine apertissimè declarantur: nam sicut aqua appetitur, ut faciet & sic extinguat, sic bonum commutabile creaturæ amatūr à peccatoribus, ut satiatio sui appetitus, quod est proprium ultimi finis: Deus autem omnium bonorum fons & origo, qui solus potest creaturæ rationalis appetitum perfecit & satiare, & anima nostræ sitim extinguere, ab illis deseritur & contemnitur.

Confirmatur & magis illustratur hæc ratio: Quamvis mortaliter peccans, directè & formaliter non intendat amittere amicitiam Dei, aut privari beatitudine, vel averti à Deo ut ab ultimo fine, & converti ad creaturam, benè tamen virtualiter & interpretativè; quia ita se gerit, ac si vellet ea omnia: in primis enim cum graves offensæ diffundant amicitias, qui Deum graviter offendit, verè vult eum non habere amicum, & qui contemnit & rejicit media ad consecutionem ultimi finis necessaria (quali sunt Dei præcepta, juxta illud Marth. 19. *Si vis ad vitam ingredi, servamanda*) virtualiter & interpretativè non vult ipsum adipisci; item qui vult aliquid oppositum Deo, ut dilectio amore amicitiae, plus appreciativè diligit illud quam Deum, subindeque virtualiter & interpretativè vult à Deo averti, & converti ad creaturam: Atqui peccatum mortale est gravis offensæ Dei, habens proinde oppositionem cum ejus amicitia & dilectione, ejusque vitatio est medium necessarium ad consequendam beatitudinem: item qui mortaliter peccat, vult aliquid oppositum Deo ut dilectio amore amicitiae: Ergo virtualiter saltem & interpretativè vult ab ejus amicitia discedere, & ab ipso ut ab ultimo fine averti, & converti ad creaturam, & si non verbi, saltem factis, dicit illud Lucæ 19. *Nolumus hunc regnare super nos:* id est nolo habere Deum pro ultimo fine, nec curio de ejus amicitia & fruitione.

§. II.

### Solvuntur objectiones.

**O** B I C I E S primò: Qui peccant mortaliter ex zelo ordinario, aut ex ignorantia vinclibili, non diligunt plus appreciativè creaturam, quam Deum, cum illi tunc arbitrentur obsequium se praefare Deo, ut dicitur Joan. 16. unde Chrysologus serm. 157. ait de S. Paulo: *Per zelum legis impugnabat legem, & in Deum Dei amore peccabat:* Ergo fallum est quod per quodcumque peccatum mortale homo avertatur à Deo ut ultimo fine, & convertatur ad creaturam.

Respondeo negando Antecedens: nam peccatum ex imprudenti zelo non provenit ex Dei dilectione, sed ex ordinato amore sui, & rei quæ agitur; ex hoc enim provenit, quod ille qui peccat ex tali zelo, negligit disquirere veram voluntatem Dei, & ita virtualiter saltem in suo affectu præfert creaturam Deo. Idem di-